

2023
9-IYUL
O‘ZBEKISTON
RESPUBLIKASI
PREZIDENTI SAYLOVI

Joriy yil 9-iyul kuni davlatimiz va xalqimiz hayotida muhim siyosiy voqea — O‘zbekiston Respublikasi Prezidenti saylovi bo‘lib o‘tadi. Markaziy saylov komissiyasi ushbu siyosiy tadbirni xalqaro standartlar va milliy qonunchilikka muvofiq o‘tkazish bo‘yicha tizimli ishlarni amalga oshirmoqda.



SAYLOVOLDI TASHVIQOTI

O‘ZBEKISTON PREZIDENTI SAYLOVI
KAMPANIYASINING MUHIM BOSQICHI

Saylov kodeksida muddatidan ilgari Prezident saylovi tayinlangan taqdirda saylov ikki oy ichida o‘tkazilishi belgilangan. Bunda saylovga tayyorgarlik ko‘rish hamda

uni o‘tkazishga doir tadbirlarni amalga oshirish muddatlari Markaziy saylov komissiyasi tomonidan belgilanadi.

Davomi 3-betda

PREZIDENT QARORLARI — HAYOTDA VA NAZORATDA

Jizzax: TARAQQIYOT SARI
DADIL QADAMYaqin kelajakda O‘zbekiston
choy import qiluvchi
mamlakatdan eksport qiluvchi
o‘lkaga aylanadi

Bugun mamlakatimizda amalga oshirilayotgan barcha islohotlarda “Inson qadri uchun” tamoyili ustuvorlik kasb etmoqda. “Inson – jamiyat – davlat” g‘oyasi davlatimizning eng oliy maqsadiga aylandi. Har bir fuqaro uchun munosib turmush sharoiti, zamonaviy infratuzilma, ijtimoiy himoya tizimi va sog‘lom ekologik muhit yaratish, malakali tibbiy xizmat ko‘rsatish, sifatli ta’limni yo‘lga qo‘yish esa asosiy vazifalarimiz hisoblanadi.

Yurtimiz hududining markaziy qismida joylashgan Jizzax viloyatida ham mamlakatimiz taraqqiyoti, xalqimiz farovonligi yo‘lida izchil islohotlar amalga oshirilmoqda. Viloyatning ijtimoiy-iqtisodiy taraqqiyoti tobora olg‘a odimlamoqda. Qaysi sohani olmag, rivojlanish sari ilgari borayotganiga guvoh bo‘lasiz. Jizzaxda qurilayotgan turar joy, ma’muriy va xizmat ko‘rsatish binolari, ishlab chiqarish korxonalarini ko‘lami hududda shu paytga qadar bunday ulkan o‘zgarishlar bo‘lmaganini ko‘rsatib turibdi.

Davomi 2-betda



BUNYODKORLIK MANZILLARI

TEMIR YO‘L BORGAN JOYDA
hayot jonlanadi

Vaqtning har bir daqiqasi g‘animat va qadrlidir. Shu ma’noda, zamonaviy transport vositalari uzog‘imizni yaqin, mushkulimizni oson qilib keladi. Misol uchun, 2017-yilga qadar Toshkent shahridan Urganchga qatnovchi poyezdlar Navoiy — Uchquduq — Miskin magistrali orqali 1 ming 64 kilometr yo‘l bosar edi. 2018-yilda Buxoro — Miskin temir yo‘li qurilib, Xivagacha masofa 242 kilometr qisqardi.

Yo‘ning qisqargani yaxshi. Lekin ana shu masofani yanada tezroq bosib o‘tishning imkoni bormi? Albatta, bor. Buning uchun ushbu magistralni elektrlashtirish va uchqur poyezdlar qatnovini yo‘lga qo‘yish zarur. Chunki elektr poyezdining unumdorligi 4,5 barobar yuqori. Yo‘ning samaradorligi shunga yarasha ancha

oshadi. Masalan, poyezdlarning yuqori tezligi soatiga 250 kilometr gacha bo‘lishi yo‘lovchilarning Toshkentdan Urganchgacha yetib borish vaqtini 14 soatdan 6 soatga, Buxorodan Xivagacha esa 8 soatdan 3 soatgacha qisqartiradi. Bu aholi va

mehmonlarga katta qulaylik yaratib, turizm rivojida ham muhim omil bo‘ladi.

Tezlik evaziga temir yo‘ning o‘tkazuvchanligi ham oshadi. Yuk tashish imkoniyati yiliga qo‘shimcha 11 million tonnagacha, yo‘lovchilar soni 2 million

300 ming nafarga ko‘payadi. Poyezdlar elektr energiyasida yurishi hisobiga yiliga 18 ming tonna dizel yoqilg‘isi tejiladi.

Davomi 4-betda



TABIAT VA INSON

YASHILLIKKA BURKANSIN OLAM



Cho‘llanish va qurg‘oqchilikka qarshi kurashish masalasi bugun dunyodagi eng global ekologik muammolardan biri hisoblanadi. Oxirgi yillarda jahonda iqlim o‘zgarishi yuz berayotgani, ichimlik suv, o‘rmonlar, yashil hududlar tobora kamayib borayotgani dunyo hamjamiyatini tashvishga solmoqda. Hozir sayyoramizdagi o‘rmonlarning umumiy maydoni 38 million kvadrat kilometrni, ya’ni quruqlikning uchdan bir qismini tashkil etib, uning atigi 13 foizi muhofaza etiladigan hududlar toifasiga kiradi.

O‘rmonlar atmosferaga is gazi tashlamalarini kamaytirib, kislorod ishlab chiqarishni ta’minlaydi va yomg‘irli bulutlarni hosil qiladi. Biroq har kuni dunyo o‘rmonlari maydoni muttasil kamayib bormoqda va har soniyada Yer yuzi 1,5 gektardan ortiq tabiiy daraxtzorni yo‘qotmoqda.

17-iyun — Jahon cho‘llanish va qurg‘oqchilikka qarshi kurashish kuni sifatida nishonlanadi. 1994-yil xuddi

shu sanada BMTning cho‘llanishga qarshi kurashish konvensiyasi qabul qilingan. Mazkur xalqaro hujjat 1995-yil 31-avgustda O‘zbekiston Respublikasi Oliy Majlisi tomonidan Osiyo qit’asida birinchilardan bo‘lib ratifikatsiya qilingan. Ayni paytda bu konvensiyani dunyoning 196 mamlakati qo‘llab-quvvatlab keladi.


Davomi 4-betda

YANGI O‘ZBEKISTONNING
MUVAFFAQIYATLARI MAMLAKATNING
XORIJIIY SHERIKLAR BILAN
HAMKORLIKNI RIVOJLANTIRISHGA
QARATILGAN OCHIQLIK SIYOSATINI
O‘ZIDA AKS ETTIRADIVashingtonda yangi O‘zbekiston mavzusiga
bag‘ishlangan taqdimot bo‘lib o‘tdi

Prezident sayloviga tayyorgarlik ko‘rish va o‘tkazish ishlari doirasida mamlakatimiz diplomatiya missiyasi tomonidan AQSH Milliy press-klubi bilan hamkorlikda Amerikaning yetakchi va AQSH poytaxtida akkreditatsiyadan o‘tgan xalqaro ommaviy axborot vositalari vakillari uchun “Yangi O‘zbekiston” taqdimoti uyushtirildi.

Davomi 2-betda

MAHALLIYLASHTIRISH

HAMKORLIK KO‘LAMI
KENGAYMOQDA

Farg‘ona shahrida hududiy tarmoqlararo savdo yarmarkasi bo‘lib o‘tdi. Unda viloyatda to‘qimachilik va ipakni qayta ishlash, charmoypayzal, mebelsozlik, neft-gaz sanoati, muqobil energiya, qurilish, kimyo sanoati, elektrotexnika va boshqa yo‘nalishlarda faoliyat ko‘rsatayotgan korxonalar o‘z mahsulotlari bilan ishtirok etdi.

Davomi 2-betda

